

Jugabit. Videte ergo, fratres charissimi, cum revelatus fuerit ille homo peccati, perditionis filius, ne illius signis et prodigiis, virtutibus mendacissimis decepti, cito moveamini a vestro sensu, id est, a recto et vero catholice fidei statu. Videte ne adoretis filium perditionis loco redemptoris. Insani capitis est et vani filium iniquitatis adorare, et Jesum Christum, Filium Dei omnipotentis, contemnere, qui mundum redemit suo pretioso sanguine. Procul dubio igitur, si Antichristum adoraveritis, sive characterem ipsius in manu, scilicet in operatione, aut in fronte, id est in confessione, vestra susceperitis, cum eo peribitis. In Christo itaque Dei et Virginis Filio anchoram spei vestre reponite, ad ipsum gradibus bonorum operum accedite, pro ipso, si necesse fuerit, persecutiones, plagas, verbera et cetera adversa tolerate; ipsum brachiis vere fidei et sinceræ dilectionis amplectimini; ad ipsum in dextera Dei Patris sedentem summa devotione oculos mentis erigite, ipsum cum Deo Patre et Spiritu sancto in cœlo regnantem unum et verum Deum adorare, ut cum electis ejus in ipsius presentia sine fine possitis regnare, ipso præstante, qui cum eodem Patre et Spiritu sancto in Trinitate perfecta vivit et regnat Deus, per omnia sæcula sæculorum. Amen.

ANNO DOMINI MCCCII

GUALTERUS DE CASTELLIONE

NOTITIA

(FABRIC., *Biblioth. med. et inf. Lat.*, II, 112)

Magister Philippus Gualterus de Castellione, Insulanus (1), præpositus canonicorum Tornacensium, scripsit, Q. Curtii insistentis vestigiis, *Alexandreidem* sive poemata heroicam de rebus gestis Alexandri Magni, elegans pro illa ætate, libris x, quorum singulorum primæ litteræ referunt nomen, *Guillemus* (2); dicavit eam illos Guillelmo II, qui archiepiscopus Remensis fuit ab anno 1176 ad 1201. Hoc poemata circa annum 1280, quo tempore scripsit Henricus Gandavensis, in scholis grammaticorum tantæ dignitatis fuit, ut præ illo veterum poetarum lectio negligenteretur: neque tamen tantum Gualtero Alanus Insulensis præstat, ut nisi iudicium istud dictasset illi livor, hæc Gesta ducis Macedum, convicio *tenebrosi carminis umbræ* perstringere debuisset. Post editionem Argentinensem anno 1513, 8°, hos libros vulgavit Osvaldus Eck, dicavitque Alberto, comiti palatino Rheni et duci Bavarie, Ingolstadt. 1541, 8°, ex officina Alexandri Veissenborn. Hanc editionem cum variis lectionibus, a scriptis manu Christiani Daumii τοῦ μακροπίρου, qui hujus scriptoris editionem cogitabat, possidere se testatur V. C. Christophorus Augustus Heumannus in *Conspectu reip. literariæ*, pag. 65, et in *Actis philosophorum*, parte xv, pag. 371. Denique Gualteri *Alexandreidis*

in lucem vidit Lugd. 1558, 4°, singulari et nitido typorum characterem, qui propius accedit ad currentes litteras quibus in scribendo utimur (3). Veterem Islandicam versionem, quam edere parabat vir peritissimus illarum litterarum Arnas Magnæus, ab alio viro erudito expectamus, qui Latinos etiam duos codices mss. hujus scriptoris in usum vertere poterit, quos ex auctione Gudiana nactus ad laudatum Magnæum miseram.

Opuscula rhythmica varia quæ extant in Libl. regis Gallie codice 5335 notat Oudinus (4), non Gualteri de Castellione sunt, sed Gualteri *Mapes*, de quo infra. Item vero Oudinus *libellos tres* dialogi scriptos more *adversus Judæos* sub Gualteri de Castellione non ine primus vulgavit ex ms. eod. abbatie S. Evodii de Brana, præmissa etiam auctoris are descripta icona; inter opuscula sacra aliquot Gallie et Belgii scriptorum Lugd. Bat., 1692, 8°. Denique Bernardus Pez tom. II *Anecdotorum*, parte II, pag. 51, ex ms. Sali-burgensi in lucem protulit Magistri Galteri, quem hunc Gualterum Insulanum esse sibi persuadet, tractatum *De SS. Trinitate*, Augustæ Vindel. 1721, fol. Vide laudat Pezii Diss. isagogicam p. xxii.

(1) Monostichon apud Henricum Gandavensem, cap. 20:

Insula me genuit, rapuit Castellio nomen.

Sed in brevi vita Gualteri, quam *Alexandreidi* præmisit Sebastianus Linck, distichon legitur hunc in modum:

*Insula me genuit, rapuit Castellio, nomen
Perstrepuit modulis Gallie tota meis.*

(2) Pagius ad annum 1102, III.

(3) Gallice, *caractères de* ... *Alexandreidis* editio quarta, Lugd. Bat., in solo integro recentior (1659, in 12), ...

Galli et Montis Angelorum typis commissa est in eodem cœnobio S. Galli et c. formis ejusdem, et in fronte libri legitur, curante Athanasio Guggler, Sangallensi monacho, qui Gualteri opus nondum editum putabat. « En tibi, inquit, caudice lector, opus novum, ut sit antiquum, nusquam quod sciam, editum, a multis cupide inspectum et desideratum, non minus antiquitate quam eruditione venerabile. »

EDIT. PATR.

(4) In Vita præmissa libellis contra Judæos et tom. II *De S. E.*, p. 1668.